

建康實錄

二

建康實錄

卷一

建康實錄卷第五



晉上



中宗元皇帝

西晉孝武太康元年平吳乃廢建業復為秣陵分丹
楊南郡為宣城郡還理於秣陵在今縣東南六里渡
長樂橋古丹楊郡是也以周浚為揚州刺史所統十
九郡七十四縣太康三年分秦淮水北為建鄴水南
為秣陵縣仍在秦邑地而建鄴縣在故都城宣陽門
內今縣城東二里古御街東太安二年夏五月義陽
蠻張昌舉兵號漢稱神鳳元年使將軍石冰寇揚州
諸郡盡沒冰因修建鄴官居之

案曹憲揚州記晉惠永寧二
有石浮來建鄴自入秦淮夏末

湖登岸二百餘步百姓咸曰石來石
來至明年石冰果入揚州遂據此地冬十二月征東將軍劉渾

右將軍廣陵相陳敏渡江攻破石冰於建鄴永興二
年十二月陳敏又據建鄴自爲揚州刺史假顧榮爲
丹楊尹以甘卓周玘爲將軍敏諷寮佐進已爲楚公
加九錫之禮時東海王祭酒華譚聞之與榮書陳是
非言敏凡才無遠略昔齊之王蠋布衣爾猶不屈於
燕況足下名重位彰受恩於國而黨奸邪自相署置
榮得書大慙與甘卓等謀曰江東事若濟當共成之
然則觀形勢如何敏旣常才政令反覆子弟驕矜其
敗必矣吾等受其官祿事敗之日使江西諸軍函首
送洛陽題曰逆賊顧榮甘卓之首豈惟一身辱及萬
世卓等然之遂與榮謀遣使密報征東將軍劉濬令

率兵臨江敏令弟昶將兵拒之使甘卓屯橫江榮玘
因卓兵殺陳昶斷橋盡收船於淮水南敏自出軍臨
大航岸榮以羽扇麾之敏衆潰散敏單馬北走玘等
追斬於江表陳敏字令通廬江人少有幹能補尚書
倉部令史趙王倫篡逆義兵乏食以敏爲廣陵度支
令漕運江淮以濟中州屬張昌亂使石冰趨壽春都
督劉準與敏謀破冰等以功拜廣陵相時在惠帝西
遷四方交爭敏遂有據江東之心懷帝永嘉元年東
海王越秉政秋七月以瑯琊王睿爲安東將軍都督
揚州江南諸軍事用王導計渡江鎮建鄴討陳敏餘
黨廓清江表因吳郡故城修而居之太初宮爲府舍

按太初宮本吳晉平吳後石冰作亂焚燒漢陽盡陳敏平石
冰據揚州因太初故基別造府舍中祭初渡江因居此也

置丹陽內

史官以顧榮為軍司馬

力協戴若思為腹心服於

永嘉五年夏六月劉曜寇洛陽

於平陽司空荀蕃稱晉天下推瑯琊王為盟主

六年春二月瑯琊王璣檄四方發兵以討石勒師

次壽陽勒退河北夏四月丙寅征南將軍荊州刺史

山簡卒簡字季倫河內懷人

中吏部尚書出鎮襄陽

歸葬建康玄武湖南

秋七月歲金

牛斗十二月散騎常侍顧榮卒榮字彥先吳人世爲
南土著姓祖雍吳丞相父穆宜都太守榮機神朗悟
冠仕吳累遷黃門侍郎吳平與陸機兄弟同入洛
時人號爲三俊拜郎中歷廷尉正桓縱酒酣暢謂
人張翰曰唯酒可以忘憂但無如作病何及趙王
倫墓位以榮爲子虔大將軍府長史榮初與同寮飲
酒見執炙人貌狀不凡榮因割炙反啖之人問其故
榮曰豈有終日執之而不知其味及倫敗將誅榮前
執炙者爲督率衆救榮得免齊王囿以爲大司馬主
簿榮懼禍及終日昏醉不愆府事轉中書侍郎在職
不復飲醉人或問曰何前醉而後醒榮懼復飲酒與

鄉里楊彥明書曰吾爲齊王主簿常慮禍及見刀與繩每欲自殺但人不知耳後果拜常侍以世亂辭不受遂還吳屬陳敏據揚州假榮右將軍丹陽內史時敏使甘卓出鎮堅甲利器盡委之榮因說卓以圖敏明年周玘甘卓與榮及紀瞻等潛謀破敏及瑯琊王睿初鎮江東以榮爲軍司馬加散騎常侍凡所謀畫皆以諮焉多有匡諫王皆納之進薦賢良言賀循等沉潛青雲之士而陸士光金玉之資甘季思紀瞻幹決殊絕王皆辟用之卒官王哭之慟欲表贈依齊王功目格吳郡內史殷祐上牋論功贈侍中開府儀同三司策好琴書及卒家人置琴於靈座吳郡張翰往

哭之既而工床鼓琴數曲歎曰顧生復能賞此否又
慟哭不弔喪主而去子毗嗣初陳跡問方士戴洋曰
人言江南當有貴人顧憲先周宣以當是語洋曰顧
不及臘周不見來年八月榮果至其月十七日卒十
九日臘貢珮明年七月晦日亡是歲太子洗馬衛玠
卒玠字叔寶河東安邑人祖瑾司空錄尚書事父恒
尚書郎玠幼而喪異長好立論每一言論皆以造微
瑯琊王澄有高山名亭請玠立輒歎息絕倒以天下大
亂遂扶老母將家南行至江表章大將軍王敦長史謝
鯤先相雅貴相見咸歎曰此王佐才也日數謂鯤曰昔王輔
嗣吐金聲於中興爾後復有王於江表微言之緒絕

而復續不意夫事之王...
當復絕倒時常言人有...
以理遣故終身不見事...
久留求向建郡京師人...
有勞疾從此遂甚卒時...
南十里時人謂看殺衛...
海內所瞻可具祭奠以敦舊好
改葬即此地也未要本葬何處

七年夏四月愍帝即位
改元建興元年五月使加瑯
琊王睿左丞相大都督
中外諸軍事詔改建鄴為建
康改鄴郡為臨漳秋七月南
郡太守周玘卒於蕪湖
玘字宣佩征西將軍長子性
剛毅沉斷有父風而

文學未及閉門絜己不妄交遊士友咸望風而敬憚
焉州辟爲從事虛己備禮方乃應命除議郎太安初
妖賊張昌丘沉反於江夏惠帝使監軍華宏討之不
剋玘密結南平內史王矩及江東人士同起義兵破
昌沉旣畢玘不言功散衆還家及陳敏據楊州與顧
榮甘卓等謀擒敏瑯琊王初鎮江左以玘爲倉曹屬
吳興人錢璦謀反玘率合鄉里義衆與郭逸討之傳
璦首於建鄴玘三定江南開復王略王嘉其勲累拜
建威將軍吳興太守以玘頻興義兵勲誠並茂乃以
陽羨及長城之西鄉丹陽之永世別爲義興郡以彰
其功然玘宗族彊盛人情所歸帝疑憚之于時北來

人士左右王業而玘自以爲不得調內懷怨望復爲
刀協輕已乃與東萊王恢陰謀誅諸執政推玘及戴
因與諸南士共奉王以經緯世事事泄王秘之召玘
爲鎮東司馬復改南郡太守旣行至蕪湖又進爵爲
公玘忽知其謀泄遂憂憤發背而卒時年五十六將
死謂子勰曰殺我者諸儉汝能復之乃吾子

四年冬劉曜逼長安西郡不守

五年春正月瑯琊王出師路北躬擐甲胄移檄天下

徵兵時有玉冊見於臨安白玉麒麟神璽出於江寧

其文曰長壽萬年日有重暈皆以爲中興之象

案圖經江寧縣

名元帝初封江乘縣中置之在今縣城南七十里南臨浦水其水源山宣州當塗縣下磯村西流入江名江寧浦也二月平東將軍

宋哲至宜愍帝密詔令王攝萬機修復陵廟將雪大耻王聞愍帝幽于虜庭王素服出次舉哀慟哭三月西陽王琇及群寮等勸進王辭不受琇等固請王流涕曰孤罪人也不能雪天下之耻因欷歔不止令私奴命駕將返國群臣不敢逼會稽內史紀瞻與長史王導俱入見王立陳利害瞻進曰今帝失御宗社虛廢神器去晉于今二年陛下特天所授光闡七廟以隆中興今欲守匹夫之謙而逆天時違人事失地利三者一去雖復傾注於將來豈得救祖宗之危急哉臣等區區之誠不可失也王不許使殿中將軍韓續徹去御座瞻叱續曰帝坐上應星辰敢動者斬王爲

之改容群臣因請依魏晉故事為晉王許之三月辛

卯瑯琊王即晉王位承制大赦改元建武元年初備

百官立宗廟社稷拜諸叅軍百餘人為奉車都尉駙

馬都尉等掾屬時人呼為百六掾

案圖經晉初置宗廟在古城宣陽城外郭璞卜遷

之左宗廟右社稷去今縣東二里玄風觀即太社西偏對太社右街東即太廟地太廟事已具孝武卷中社立三壇帝社太社各一壇一一本云洛陽社

二壇稷一壇今亦合其制宜者也夏四月丙辰立世子紹為晉王太子進

百官行賞以王子宣城公衷為瑯琊王以王導都督

中外諸軍事其餘進班各有差六月丙寅司空并州

刺史廣武侯劉琨幽州刺史左賢王渤海公段匹磾

等一百八十人遣長史溫矯來上表勸王即尊位王

優令答之以二公共濟艱難同契一此撫寧戎夏

靜以聞冬十一月進司空劉琨爲太尉初置史官立太學以于寶王隱領國史是歲楊州大旱晉陵內史張閭奏立曲阿新豐塘溉田八百餘頃

建武二年春三月癸丑愍帝崩問至晉王服斬縗居廬丙辰王侯百寮上尊號勸進是日晉王即皇帝位

于建康

案帝自永嘉元年領江左至建武二年積十一年即帝位居舊府舍至明帝亦不改作而成帝業始繕苑城也

帝諱睿字景文宣帝曾孫瑯琊武王伷之孫恭王覲之子初魏明帝青龍三年冬十一月張掖郡丹陽川谷全溢有石流出立於川中有馬行列而犧牛在後麒麟居東鳳皇處南白虎處西八卦分布成文占者或云牛繼馬後及宣王秉政深以牛氏爲慮因征遼

東還遂為二搯同一口貯酒醢殺大將軍牛金後恭
王妃夏后氏與小吏牛欽私通因產帝咸寧二年生
於洛陽有神光滿室所藉藁如始刈及長白毫生於
目角之左龍顏隆準目有精光顧眄煒如也年十五
嗣位瑯琊王三十二始鎮建鄴四十二即帝位戊辰
大赦改元太興元年文武增位二等庚午立紹為皇
太子夏四月丁丑朔日有蝕之戊寅初禁招魂葬

案

書東海王越死於鄴屍為石勒所焚妃裴氏過江乞招魂葬帝雖許之治
書御史袁瓌與博士傅純議招魂葬是謂埋神不可從也帝然之遂禁斷

五

月幽州刺史段匹磾執太尉劉琨囚之初王敦見琨
勸進表至天祚大晉必將有主主晉祚者非大王而
誰敦大怒投表於地曰讀左傳三十年一朝為劉琨

用却因內憚焉及聞拘繫密使段匹磾殺琨又懼衆
反已遂稱有詔收捉琨聞敦有使至不通命知謂其
子曰處仲使來而不告我是殺我也死生有命但恨
讎恥不雪無以下見二親耳因涕泣悲不能自勝癸
丑匹磾縊殺琨并子姪四人時年四十八琨字越石
魏昌人漢中山靖王勝之後少負志氣有縱橫才善
交勝已而頗浮誇與祖逖爲友聞逖被用乃與親故
書曰吾枕戈待旦志梟逆虜常恐祖生先吾著鞭累
遷位并州刺史愍帝即位拜司空封廣武侯都督冀
幽并三州軍事尋爲石勒所破窮蹙歸匹磾遇害初
琨在晉陽時嘗爲胡騎所圍數重窘迫無計乃乘月